

## 12. gr.

Brot á reglugerð þessari varða viðurlögum skv. 19. gr. laga nr. 38 15. maí 1990, um stjórn fiskveiða. Getur ráðuneytið m.a. svipt skip heimild til veiða í tiltekinn tíma vegna brota á ákvæðum þessarar reglugerðar.

## 13. gr.

Reglugerð þessi er sett samkvæmt ákvæðum laga nr. 38 15. maí 1990 um stjórn fiskveiða til þess að öðlast þegar gildi og birtist til eftirbreytni öllum þeim, sem hlut eiga að máli.

*Sjávarútvegsráðuneytið, 26. apríl 1991.*

**Halldór Ásgrímsson.**

*Jón B. Jónasson.*

## AUGLÝSING

### um staðfestingu á samkomulagi um mörk á Mosfellsheiði, milli Ölfushrepps og Grafningshrepps annars vegar og Mosfellsbæjar og Miðdals I í Mosfellsbæ hins vegar.

Með hliðsjón af 2. málsgrein 3. greinar sveitarstjórnarlaga nr. 8/1986 hefur félagsmálaráðuneytið í dag staðfest samkomulag um mörk á Mosfellsheiði milli annars vegar Ölfushrepps og Grafningshrepps og Mosfellsbæjar og Miðdals I í Mosfellsbæ hins vegar, sbr. landamerkjabréf undirritað, hinn 23. janúar 1991, af hálfu sveitarstjórna framangreindra sveitarfélaga og eigenda jarðarinnar Miðdals I í Mosfellsbæ.

Landamerkjabréfið er svohljóðandi:

“Undirritaðir aðilar,

**annars vegar:**

- a. Hreppsnefnd Ölfushrepps vegna sveitarfélagsins, og
- b. Hreppsnefnd Grafningshrepps vegna sveitarfélagsins, og

**hins vegar:**

- a. Bæjarstjórn Mosfellsbæjar vegna bæjarfélagsins, og
- b. Einar Tryggvason, Miðdal, Mosfellsbæ, vegna eigenda Miðdals I samkvæmt umboði, hafa komið sér saman um eftirfarandi:

## 1. gr.

Mörk milli Grafningshrepps og Ölfushrepps annars vegar og Mosfellsbæjar og jarðarinnar Miðdals I hins vegar eru bein lína frá Sæluhústótt á Moldbrekkum í steyptan stöpul á Borgarhólum, þaðan bein lína í Sýsluþúfu, þaðan bein lína í Sýslustein austan Lyklafells, og þaðan bein lína í steyptan stöpul hæst á Vífilsfelli.

Merkjalinur þessar hafa verið teiknaðar inn á viðfestan uppdrátt í mælikvarða 1:25000, útgefnum af Landmælingum Íslands.

Samkvæmt áritun á uppdráttinn eru punktar þeir, sem áður eru greindir, innmældir og reiknaðir af Verkfræðistofunni Hnit í landskerfi Íslands í júní 1990 og er staðsetning (hnit) samkvæmt því þessi:

Sæluhústótt:	X = 663804.625	Y = 414608.553	merki í miðri tótt
Borgarhólar:	X = 667364.58	Y = 409273.28	stöpull
Sýsluþúfa:	X = 669416.32	Y = 403969.94	mið þúfa
Sýslusteinn:	X = 670916.53	Y = 401837.54	miður steinn
Steyptur stólpi á Vífilfelli:	X = 673735.25	Y = 397742.27	stöpull

Undirritaðir aðilar eru sammála um það að ofangreind merki séu rétt túlkun merkja í eldri landamerkjabréfum um þessi mörk.

## 2. gr.

Sveitarfélagamörk Grafningshrepps og Ölfushrepps annars vegar og Mosfellsbæjar hins vegar eru þau sömu og greind eru í 1. gr.

## 3. gr.

Með hliðsjón af 2. málsgrein 3. gr. sveitarstjórnarlaga nr. 8/1986 óska aðilar þess að félagsmálaráðuneytið staðfesti mörkin og láti birta bréf þetta, ásamt viðfestum upprætti, í B-deild Stjórnartíðinda.

## 4. gr.

Af skjali þessu eru gerð sjö samhljóða eintök, þ.e. eitt handa hverjum aðila og eitt sendist félagsmálaráðuneytinu og eitt dómsmálaráðuneytinu.

Mosfellsbæ, 23. janúar 1991.

F.h. hreppsnefndar Ölfushrepps e.u.

Guðm. Hermann (sign.)

F.h. hreppsnefndar Grafningshrepps e.u.

Ársæll Hannesson (sign.)

F.h. bæjarstjórnar Mosfellsbæjar e.u.

Bæjarstjóri Mosfellsbæjar (stimpill)

Páll Guðjónsson (sign.)

Einar Tryggvason (sign.)


Einar Tryggvason, v/eigenda Miðdals e.u.“

*Félagsmálaráðuneytið, 11. apríl 1991.*

**Jóhanna Sigurðardóttir.**

*Pórhildur Línadal.*

**Fylgiskjal I.**



**Fylgiskjal II.**

## YFIRLÝSING

Undirritaðir aðilar, hreppsnefnd Ölfushrepps, hreppsnefnd Grafningshrepps, bæjarstjórn Mosfellsbæjar og Einar Tryggvason v. eigenda Miðdals I, Mosfellsbæ sem undirritað hafa í dag landsmerkjabréf um mörk á Mosfellsheiði frá Sæluhússtótt á Moldbrekkum í norðri í Vífilfell í suðri lýsa því hér með yfir að mörk í téðu landamerkjabréfi frá Sýslusteini austan Lyklafells í Vífilfell teljast ekki endanlega staðfest fyrr en þeir aðilar aðrir en Mosfellsbær sem telja sig eiga lögsögu og/eða eiganarrétt að þeim mörkum þ.e. Kópavogskaupstaður, Reykjavíkurborg og Seltjarnarneskaupstaður hafa fallist á mörk þessi fyrir sitt leyti.

Mosfellsbær telur þau mörk sem um getur í landamerkjabréfinu í heild vera mörk lögsagnarumdæmis bæjarfélagsins, en er kunnugt um að ofangreind sveitarfélög eru ekki sammála þeirri afstöðu, hvað varðar mörk frá Sýslusteini autan Lyklafells í Vífilfell.

Mosfellsbæ, 23. janúar 1991.

Ársæll Hannesson (sign.)

Guðm. Hermann (sign.)

Einar Tryggvason (sign.)

Páll Guðjónsson (sign.)

**Fylgiskjal III.**

## YFIRLÝSING

Með vísun til landamerkjabréfs um landamerki á Mosfellsheiði, sem undirritað er af Ölfushreppi og Grafningshreppi annars vegar og Mosfellsbæ og jörðinni Miðdal í Mosfellsbæ hins vegar 23. janúar 1991, svo og með vísun til yfirlýsingar ofangreindra aðila, sem undirrituð var sama dag, lýsum við undirritaðir yfir eftirfarandi:

Að því er varðar mörk þau, sem staðfest eru í téðu landamerkjabréfi frá Sýslusteini austan Lyklafells í Vífilfell, geta undirritaðir aðilar sett sig við þau fyrir sitt leyti. Jafnframt mótmæla þeir lögsögu og/eða eignarrétti Mosfellsbæjar á landi því sem liggur vestan við mörk þessi.

Reykjavík, 30. janúar 1991.

Bæjarstjórnin Seltjarnarnesi  
Sigurgeir Sigurðsson (sign.)

Borgarstjórnin í Reykjavík  
Davíð Oddsson (sign.)

**Fylgiskjal IV.**

## YFIRLÝSING

Með vísun við landamerkjabréfs um landamerki á Mosfellsheiði, sem undirrituð er af Ölfushreppi og Grafningshreppi annars vegar og jörðinni Miðdal í Mosfellsbæ hins vegar 23. janúar 1991, svo og með vísun til yfirlýsingar ofangreindra aðila, sem undirrituð var sama dag,

og einnig með vísan til greinargerðar bæjarverkfræðings Kópavogs dags. 31. janúar 1991 þá lýsir undirritaður yfir eftirfarandi:

Að því er varðar mörk þau, sem staðfest eru í téðu landamerkjabréfi frá sýslusteini austan Lyklafells í Vífilfell, þá eru þau samþykkt af hálfu Kópavogskaupstaðar. Jafnframt er mótmælt kröfum um lögsögu og/eða eignarrétt Mosfellsbæjar og Reykjavíkurborgar svo og lögsögu Seltjarnarneskaupstaðar á landi því, sem liggur vestan við mörk þessi.

Kópavogi, 6. mars 1991.

Sigurður Geirdal,  
bæjarstjóri.

## AUGLÝSING

**um stofnun Einkaleyfastofu til að sjá um framkvæmd laga er varða hugverkaréttindi á sviði iðnaðar (einkaleyfi, vörumerki o.fl.).**

Iðnaðarráðherra hefur ákveðið að fela sérstakri stofnun á vegum ráðuneytisins að sjá um framkvæmd laga og alþjóðasamninga er varða hugverkaréttindi á sviði iðnaðar. Stofnunin tekur við hlutverki einkaleyfa- og vörumerkjadeildar ráðuneytisins. Skipan þessi og verksvið stofnunarinnar er ákveðið samkvæmt heimild í 1. mgr. 7. gr. og 1. mgr. 69. gr. laga nr. 17/1991 um einkaleyfi og 12. og 46. gr. laga nr. 47/1968 um vörumerki, sbr. lög nr. 31/1984.

Stofnunin nefnist Einkaleyfastofan og hefur aðsetur í Reykjavík.  
Ofangreind skipan kemur til framkvæmda hinn 1. júlí 1991.

*Iðnaðarráðuneytið 24. apríl 1991.*

F.h.r.  
**Björn Friðfinnsson.**

*Rán Tryggvadóttir.*

## REGLUGERÐ

**um Einkaleyfastofu.**

1. gr.

Einkaleyfastofan er ríkisstofnun undir yfirstjórn iðnaðarráðherra. Vernd þeirra réttinda er stofnunin fjallar um tekur til íslenskrar lögsögu. Stofnunin hefur aðsetur í Reykjavík.

2. gr.

Hlutverk Einkaleyfastofu er einkum:

- 1) að fara með málefni varðandi einkaleyfi, vörumerki, hönnunarvernd og önnur hliðstæð réttindi sem kveðið er á um í lögum, reglugerðum og alþjóðasamningum um vernd eignarréttinda á sviði iðnaðar.